



UBUFI BUTATU ubo BACITAWALA Bakamubulisisheni

Pali ubufi ubwingi ubusanganwa mubusambishi bwaba Citawala, sombi umupunda pepepala ili taulukunsuminisha ati mbulisisha fyonse. Kukutangilila kwaMupashi Uswetelele na bucine ukufuma mwishiwi lyabaLesu, nakubulisisha ifyebo fitatu ifyamakwebo.

Ubufi bwakutanga ubufi bwabo pali bulesa bwaba Yesu Klistu

BaCitawala balakana Bulesa bwaba Yesu Klistu. "...bali nibaLesu, sombi tabalipo niBaLesu Abacilile, abali nibaJehova..." Leken i baLesu babe bacine, p.33 Watch Tower Bible and Tract Society Publication, rev. ed. 1952) Ukufuma kucitati cabo, Bamboni balikanine ati baYesu Klistu nibaLesu mumunefu. Ishiwi lyaba Lesu, Mukulayana kwakale Nkwabukumo, mulabulisisha bumboni ubwabaLesu batatu muli bamo. Ukutatika mwibuku lyakutanga mwiBaibo, umo baLesu balabile ati, "...Ngatulenge nebantu koti cipasho cesu, koti mekalilo esu..." (Ifyakutanga 1:26),

ukufika kwibuku lyakupelako, muli amafesi ayalabila pali baLesi batatu abali muli bamo. Aba batatu nibaba; BaLesi baWisifwe, BaLesi Umwana naba BaLesi Umupasi Uswetelele.

“Pakutanga lukoso epo lyali Ishiwi, ilyo Ishiwi lyali nabaLesi, Ishiwi lyopele ebaLesi. Ilyo lyopele lyalipo napakutanga nabaLesi. Nalyo Ishiwi lyalibele munefu, nekulukwikele pakati pali fwebo, (Nafwebo twalibubwene ubuleme bwalilyo, ubuleme ubupalene nebawoyo utulile enka kuli baWisi,) ubwiswile uluse nabucine.” (Yoane 1:1-2,14.) “Pakuti muli bo emo mwikala funwefunwe wonse uwabulesa mumubili.” (AbaKolosa 2:9) “Nakabili ati imini shonse sikasuminine ati ba Yesu Klistu nibaShikulu, ukubaletelo’buleme baLesi baWisibo.” (AbaFilipoi 2:11)

Ubufi bwabubili

Ati ba Yesu Klistu balibukile mupashi wabalesa

Ba Citawala balakana ukubusiwa kwamubili waba Shikulu Yesu Klistu. Balilabile ati balibusiwilwe mumupashi, neli ati “...cilengelwe camupashi” (Ubufumu bwabakutumpaika p.59). Ishiwi lyabaLesi lilasambisha ati baYesu Klistu balibukile mumunefu, umubili uwabuleme. BaYesu balilangishe nekubulisisha umubili wabo uwabusiwilwe. “BaYesu nekubasuka ati, Lipalayeni itempuli ili, lomba pakupita inshiku sitatu nkalibusha. Sombi baYesu balilabile ifyetempuli lyamubili wabo.” (Yoane 2:19,21) BaYesu balikele amashiku amakumi ane panshi pacalo ili babusiwilwe. Pali yiyi mpindi balibabwene kubantu imyanda iyingi. “Pakuti nalimupeleni tanje cine ifyo ifi napokele kabili, ati baKlistu balitufwilile ifyakubifya fyesu koti malembo, nakabili ati balibwenekele kuli Kefasi, penka nakuli babo ikumi nababili, popele bali bwenekele kubakwasu abacilile ubwingi napabantu imyanda isanu pamo impindi imo, abo abenji bacikele nabukumo bonse, sombi bambi balilele mutulo twamfwa.” (1 AbaKolinto 15:3-6) Tababwenwepo

lukoso kubenji, sombi balilile ifyakulya pamo neba sambile babo. "Boneni amapi anji, nemakasa anji, ati ninebo nemwine: ngamunsalale mubone; pakuti umupashi taukwete umunefu nemafupa, koti nififi ifi mulukubona ati ndi nafyo. Ili balabile'fyo, balibalanjisy e amapi abo nemakasa. Lomba ili bacikanika pakuti pakutemwa, nekulukukankamana, balilabile kuli bo ati: Muli-po nekakulya muno? Penka balibapele icisinsa cesabi icakoca. Nabo balicibilile nekulukulya pamenso abo." (Luku 24:39-43)

Ubufi bwabutatu

Ati icikanda camulilo takulipo

BaCitawala balasambisha ati "...icikanda camulilo muBaibo cilende camuntu icisibikilwe..." (Lekeni baLes a babe bacine, ipepa 92) Bucine bulasanganwa mwishiwi lyabaLes a. Ba Yesu Klistu balatucenj esha impindi isingi ifyamupunda wampanishi yamuyayaya, ukupenga nekonalwa. "Popele icusi icakukululuka kwabo cilukufutumina mwiulu inshiku shonse ishamuyayaya, kabili tabatushapo pakasuba neli nipabusiku..." (Ukufisulula 14:11) Muli Mako 9:48b, BaYesu balilabile ati "...umulilo tausimikapo." Muli Mateyo 5:22, baYesu balilabile ifya "...Geena wa mulilo..." Muli Luku 16:23, Ishiwi lyabaLes a lilalabila ifyamuntu umubile uwafwile nekuya kuSheoli "Penka muSheoli ili alukukululuka alilakamine kwiulu..." Kabili mufesi 24, alilabile ati, "ndukusomenwa ukwakuti mumulilo uyu." Mukufisulula 20:15, Ishiwi lyabaLes a lilalabila ati, "Kabili kani umbi walibwenekele, utalembelwe ishina lyakwe mwibuku lyamweo, uyo ewaposelwe mucisiba camulilo."

Cili cipubile ukubona ati ubusambisi bwabacitawala muliswile ubufi kabilli nekonala Ishiwi lyabaLes a. Bakutumpaika ukutatikila lukoso kucitati cabo. Mwiba nekucetekela ubufi bwabo, sombi mucetekele Ishiwi lyabaLes a. Bucine nibubu ati tekuti muye kucikanda camulilo pakuti ba Yesu balimulipilileni ifyakubifya fyenu ili Bapokomweshe lmiropa pamutaliko pakuti

pali mwebo. “Pakuti amalambulo akubifya nimfwa, sombi impese yabaLesya iyakupa lukoso mweo wamuyayaya muli baKlistu Yesu baShikulu besu.” (AbaLoma 6:23)

Mulikwete umupunda uwansicilwe mwebo Kwiulu, kani kukucetekela mucetekele nekupemamo muli baYesu Klistu ati bakupulusha benu. “Kumfwa baYesu balabila kuli ye ati: Nebo eneNshila, eneBucine, eneMweo: papo’muntu uwakwisa kuli baTata apakubula nebo.” (Yoane 14:6) “Pakuti baLesya balitemenwe abapacalo capansi ukwakuti fyopele filya baliposele Umwana wabo uli enka, ati abantu bonse, ulukupemamo muliye takonalwa, yo, sombi ati akalukuli neMweo wamuyayaya. Pakuti baLesya tabamutumine Umwana mucalo capansi ati akasinine abantunsi, tau; sombi ati abantunsi bonse bakesibe ukupulucila muli ye. Uyo ulukupemamo mumwana euli neMweo uwamuyayaya, sombi uyo utasuminina Umwana takabonapo Umweo, sombi ubukali bwabaLesya bulukwikala pali ye.” (Yoane 3:16-17,36)

Kani bukumo mungapemamo muli baYesu Klistu ati bakupulusha benu? Bo benka ebangamupulusheni. Kani mucetekele Ishiwi lyabaLesya nekupemamo muli baYesu ati bakupulusha benu, twapapata mu twishibishe kani mwacetekela BaKristu ati Bakupulusya benu.

Tumeni aka akapepala ukutwisibisha kani mwapemamo muli
ba Yesu Klistu ati bakupulusha benu.

Ishina _____

Ukumwikala _____

_____ Zambia. Imyaka _____



FELLOWSHIP TRACT LEAGUE

P.O. BOX 164 • LEBANON, OH 45036

www.fellowshiptractleague.org © Tract 4410 (Lamba)

Onse amatalakiti akupela lukoso ili BaShikulu ba lukwa nsika.